

որ նոքա, ուրիշ ցանկանում են մասնակցել Յօբելեարի անունը լաւերժացնելու նպատակով կազմուելիք դրամադիւի կազմելուն՝ կարող են նուէրներն ուղարկել Ե. Բ. Բաբայեանցին (Պ. Բուրգ, Մօնէտնի դժօր)։ Հաւաքուելիք դրամադիւի վերջնական կարգադրութիւնը թողնուած է Յօբելեարի բարեհալեցողութեան։

«Լուսման» կաշխատէ միւս անգամ մանրամասն տեղեկութիւններ տալ ալդ մասին. իսկ առ այժմ իւր սրտագին շնորհաւորութիւններն է ուղղում լարգելի յօբելեարի բազմամեայ պետական և գրական բեղմնաւոր գործունէութեան առիթով։

Կ. ՊՕԼՍԻՑ

Կ. Պօլսից մեր թղթակիցը հաղորդում է մեզ, որ ռուսահայ հոգևորական Բագուի արժ. Ներսէս քահ. Տէր Կարապետեանցը Իզմիրեան մրցանակաբաշխութեան ներկայացրած քաւրոզով իւր տարած դրամական նուէրը՝ յանուն Ամենապատիւ ս. սլատրիարքի մի գրութեամբ թողել է ի նպատակ Կ. Պօլսի Ե. Փրէնան Ազգ. Հիւանդանոցի մանկական բաժնին—ի յիշատակ իւր վաղամեռիկ որդի Յակովբիկի։

ԳԼԴՈՆԻ ՀԱՅ ԵԿԵՂԵՑԻՆ

Այս օրերս մենք առիթ ունեցանք տեսնել Թիֆլիսից 10 վերստ հեռու գտնուած Գլդան գիւղի նորաշէն Հայ եկեղեցին, որ խառուցել է նորին Մեծութեան սենեկապետ Կ. Ն. Հաւրիմեանը։

Հաւրիմեանները կայուածատէր են յիշեալ գիւղի ու շրջակայքի և պ. Հաւրիմեանի Հայրը, որ այժմ ընտանիքով տեղափոխուած է Գլդան, կառուցել է հնում՝ տեղական վրացիների համար եկեղեցի, իսկ որդին չուղենալով հոգևորապէս անմխիթար թողնել՝ գիւղի մի բուռն Հայ ժողովուրդը, շինել է նոցա համար Հայ եկեղեցի։ Եկեղեցիներ ի հարկէ շատ կան գիւղերում և շատ էլ կառուցուում են այս և այն բարերարների ձեռքով, բայց եթէ մենք շեշտում ենք Գլդանի Հայ եկեղեցին, դա ունի իւր յատուկ պատճառը. դա թէպէտ և մի շատ

փոքրիկ, հազիւ դիւզական ժողովրդին բաւական տարածութիւն ունեցող մի եկեղեցի է, բայց աչքի է ընկնում իւր կռկիկ, գեղեցիկ, նրբանկար և ներդաշնակ կերտուածով. բեմը, տեղանքը, խորանները, աւագանը, լուսամուտները, դռները և այլն և այլն մի մի մանրանկար են իսկական գաղափարական եկեղեցու մասերի. պատկերները, բոլորն էլ Ռուսաստանի մայրաքաղաքներում լաւագոյն գեղարուեստների արտադրութիւն, հրաշալի և հայկական, մանաւանդ բեմի վրայի Աստուածամօր և Փրէշական պատկերը, որպիսին չի կարելի տեսնել Թիֆլիսի բաղամօթիւ հայ եկեղեցիներում. նոյնը կարելի է ասել և զգեստների, անօթների ու զարդերի մասին. միով բանիւ եկեցու բարերարը աշխատել է այդ վիրախօս դիւղում մի գեղեցկադիր բարձրավանդակի վերայ կառուցանել մի փոքրիկ եկեղեցի—թանգարան, որից հիանում են ոչ միայն տեղական բնակիչները, այլ և քաղաքների բոլոր այցելուները: Ինչպէս տեղեկացանք պարոնը դիտաւորութիւն ունի եկեղեցուն կից բաւական կառուցանել և մի բնակարան բահանայի համար: Պատիւ և փառք նորան:

ՆԱՄԱԿ ԽՄԲԱԳՐԻՆ

Մեծարգոյ Տ. Խմբագիր

Սեպուհ պարտականութիւն եմ համարում ինձ Ձեր պատուական հանդիսի միջոցով սրտագին շնորհակալութիւնս յայտնել և օրհնել այն բոլոր հաստատութիւններին և անձերին, որոնք անձամբ, հեռագրերիւրեւով և նամակներով շնորհաւորեցին իմ նշանակուելը յառաջնորդութիւն թեմին Հայոց Վրաստանն և Իմերէթի:

1904 թ. 13 Հոկտեմբերի
Տփլիս

Գարեգին եպիսկոպոս:

ՍՄՆԱՀՆԻ ՎԱՆՔԻ ՀԱՅ ԳՐԶԱԳԻՐՆԵՐ.

Ս. Էջմիածնից մեզ հաղորդում են, որ Սանահնի վանքում գտնուած քսանեօթն հատ բաւական կարեւոր ձեռագիրներ նոյն վանքի նախկին վանահայր և այժմ թեմիս նորընտիր Ա. ռաջնորդ սրբազան Գարեգին եպիսկոպոսի կարգադրութեամբ ուղարկուել են Վեհափառ կաթողիկոսին ս. Էջմիածնի մատենադարանում պահելու համար: Գրչագիրներից հնագոյնը գրուած է հայոց Չ և փրկչական 1451 թուին, իսկ նոցա մէջ եղած Ընդհանրականի մի յիշատակարանից երևում է, որ այդ